


I S V O G D

I 5 8 0

CONTENTA

- M. I. D. Eſchijontis polytechni
N. II. J. Beſſenij Chymisti
Empirica & Rationa
N. III. Wierij Trüß Arzney
buch in ſüßerley merck
III. Der Toten Tantz
O. V. ARS MAGICA
Cognitaria D. J. Wier
lichij. O. N.
N. Inſtitui Compactoris
diſſertor St Collegij

00
14/6



9/15
ock

+
Omnes hostes & ma,
hualos tuos, non
grauius torseris,
q̄ si Virtutij &
Gloria strenue
studueris.

F. 24.
o.

Der Todendantz/
 Welchen alle Men-
 schen/sy seyen hohes oder nyders
 stands/Jung oder Alt / von Gott
 inen auffgesetzter zeyt/danz-
 en müssen.



Wir sterben all durch Adams not/
 Leben wider durch Christi roth.



Himmel und Erdt müssen zergohn/
 So Gottes wort bleibt ewig stohn.



Allen Menschen zu einem Schau-
 spiegel in den Druck verfertigt.

M. D. XXX.

[Faint, illegible text, likely bleed-through from the reverse side of the page.]



Vorrede in den Tod dendanz.

W^{el}chen das Büchlein kompt zu hand
Der merck was hie geschryben stand/
Vnd denck an diß zergenglich leben/
Der Todt ist grausam/ merck mich eben/
Darzu der aller mächtigst Herr/
In allen Landen nach vnd ferz/
Erstreckt sich sein gebiet vnd gwalt/
Die Reichen/Armen/ Jung vnd Alt/
Seind im gehorsam vnd verpflicht/
Den allen er jr leben bricht/
Vnd kompt zu vnuersehner weyl/
Schenst sy hernider mit sein pfeyl/
Ist Edel vnd Thurnieres groß/
Sann nye kein Fürst noch Herr so groß/
Den er zu letst nit überwindt/
In fürchten alle Adams kindt/
Vnd müssen/wann er will/inns Grab/
Sarumb ziecht euch von Sünden ab/
In letsten nöten seyt getröst/
Das euch Christus hab selbst erlöst/
Mit seinem Tod am Crucifix/
So schadet der leiblich Tod vns nit/
A ij Der

Der nur das Sündlich fleysch verzert/
So die Seel gewiß gehn Himel fert.
Solchs habt jr euch zu trösten all/
Sie jr Kommend in Todes fall.
Daran der Adam schuldig ist/
Doch wider hilfft der Herre Christ/
Den Glaubigen auß aller not/
Erret sy vom ewigen todt.
Ein jeder Mensch soll dencken/das
Er zu achten wie Laub vnd Gras/
Das heut grünt vnd morgen verdirbt/
Also ein Mensch zeytlich abstirbt/
Drumb halt dich vest an Gottes wort/
Laß dir es sein dein trost vnd hort/
So ist der Todt ein süsse speyß/
Erlangst dardurch das Paradeyß.



Der

Der Todt spricht zum
Papist.

Dumpt heylger Vatter
wercher Mann/
Ein Vortag müst jr mit mir han
Ewr Kron/gewalt vnd hochheit groß/
Hilffte nicht für mein tödelich geschosß.

Der Papst antwort.

Heut ward ich auff Erden genandt/
Du Got/der höchst/ hoch war mein städ/
Nun will der Todt mein nit verschonen/
Thut mir wie andern Menschen lohnen.

Todt zum Kayser.

Herr Kayser sperre euch nicht so hart/
Ewr reiß habt jr zü lang gespart/
Ir müßend nun mit mir darvon/
Den Tanz nach meiner Posaun gehn.

Kayser antwort.

Das Römisch Reich kund ich wol mehren/
Das gut schutzen/das vnrecht wehren.

A iij Nun

Nun überwindt der Todt jetzt mich/
Das ich keinem Kayser gleich sich.

Zu der Kayserin.

Ich dantz euch vor Frauw Kayserin/
Springt nur hernach/der dantz ist mein/
Ewre Hofleut seind von euch gewichen/
Der Todt hat euch jezundt erschlichen.

Die Kayserin.

Wil wollust heet mein stolzer leyß/
Ich lebet als eins Kayfers Weyß/
Nun muß ich an den dantz jetzt kommen/
Mir ist all frewd vnd müt genommen.

Todt zum König.

Ewre gwalt Herz König hat ein endt/
Ich für euch hie bey ewer hendt/
An disen düren Brüderdantz/
Da gibt man euch des Todes Kranz.

Der König.

Ich hab gewaltiglich gelebet/
Nach hohen ehren auch gestrebet/
Nun bin ich in des Todes handen/
Verstricket sehr in seinen banden.

Tode

Todt zur Königin.

Fraw Königin ewr frewd ist auß/
Springt mir nach in des Todes hauß/
Euch hilfft kein schöne/gold noch gelt/
Ich führ euch in ein andre Welt.

Die Königin.

O weh vnd ach/O weh immer/
Wa ist nun mein Frauwenzimmer/
Mit dem ich hett der frewden vil/
O Tod thu gmach mit mir nit eyl.

Todt zum Cardinal.

Springt auff mit ewrem rodten Hüt/
Herz Cardinal der dang ist gut/
Gesegnet habt jr wol die Layen/
Drumb müßt jr auch an Toden rayen.

Der Cardinal.

In Kostlichkeit was ich ein mal/
Der heylgen Kirchen Cardinal/
Die Welt hielt mich in grossen ehren/
Jetzt kan ich mich des Tods nit wehren.

Todt zum Bischoff.

A iij

Ewr

Er würdigkeit hat sich verkeret/
Herz Bischoff weysß vnd wolgeleert/
Ich will euch an den Keyen ziehen/
Dem Tode möcht jr nun nit empfliehen.

Der Bischoff.

Ich bin gar hoch geehret worden/
Dieweyl ich lebt inns Bischoffs orden.
Nun ziehen mich die vngeschaffnen
An jren Tanz/gleich einem Affen.

Todt zum Hertzog.

Habt jr mit Frawen hochgesprungen/
Stolzer Hertzog ist euch gelungen/
Jetzt müst jr an mein Keyen büssen/
Wollen auch thon die Todten grüssen.

Der Hertzog.

O mordt/müß ich so bald daruon/
Land/leüt/Weyß/Kindt/dahinden lohn/
Das erbarm Gott in seinem Reich/
Jezundt wirdt ich mein Tanser gleich.

Todt zur Hertzogin.

Frauw Hertzogin seyt wolgemüt/
Ob jr schon seyt von Edlem blüt/

Vnd

Vnd hoch geacht auff diser Erdt/
So hab ich euch doch lieb vnd werdt.

Die Hertzogin.

Ach Gott des armen Lautten thon/
Wiß ich mit disem jetzt darvon?
Heut Hertzogin vnd nymmermehe/
Ach angst vnd not/S wehe S wehe.

Todt zum Grafen.

Herr Graf gebt mir das Bottenbrot/
Es reißt euch hin der bitter Todt/
Last euch nit rewen Weyß vnd Kinde/
Ir müßt danczen mit disem Gsinde.

Der Graf.

In diser Welt war ich bekande/
Ein edler Graf wardt ich genandt/
Nun bin ich von dem Todt gefelt/
Vnd her an disen Dancz gestelt.

Todt zum Abbt.

Herr Abbt ziecht ewer Hütlein ab/
Es nuzt euch nit eins Abbtes stab/
Seyt jr gwesen ein güter Hirt
Bey den Schafen/der lohn euch wirde.

A v Der

Der Abbt.

Ich hab mich als ein Abbt erhebt/
Vnd in hohen ehren gelebt/
Auch setzt sich nyemandes wider mich/
Dem Tode muß doch herhalten ich.

Todt zum Ritter.

Herz Ritter jr seyt angeschryben/
Ritterschafft habt jr lang getryben/
Mit dem Tode vnd mit seinen Knechten/
Hilfft weder streyten oder fechten.

Der Ritter.

Ich als ein strenger Ritter güte/
Hab wol gedient mit hohem müte/
Nun bin ich wider Ritters orden/
An disen Dantz gedrungen worden.

Todt zum Juristen.

Es hilfft weder sünde noch hofieren/
Kein außzug noch appellieren/
Der Tode zwinget alle geschlecht/
Darzu Gaistlich vnd Weltlich recht.

Der Jurist.

Von

Von Gott all Recht gegeben sind/
Wie man die in den Büchern findet/
Kein Jurist soll dieselben biegen/
Die lügen hassen/die warheit lieben.

Loth zum Rathsheren.

Seyt jr gewest in diser Statt/
Den man im Rath gebrauchet hat/
Habt jr dann nun gerathen wol/
Euch deß gelohnet werden soll.

Der Rathsherr.

Ich hab mich gflyssen tag vnd nacht/
Das der gemein nutz werd betracht/
Sucht Reichthumb/jren nutz vnd ehr/
Was mich gut dunckt das thet ich mehr.

Zum Doctor der Artzney.

Doctor secht die Anconomey
An mir/ob sy recht gmacher sey/
Dann jr habt manchen hingericht/
Der eben gleich/wie ich jetzt sicht.

Der Doctor.

Ich hab mit meinem Wasserschaßen/
Geholffen beyden Mann vnd Fraßen.
Wer

Wer bsicht mir nun das Wasser mein/
Des Todes gefert muß ich jetzt sein.

Todt zum Kriegsmann.

Kompt her jr Kriegsmann mit dem Segen
Ir müßend nun ein dānzlein pflegen
Mit dem Todt/der nyemandt verschont/
Gesegnet euch/euch wirdt gelohnt.

Der Kriegsmann.

Manichen Mann hab ich erschreckt/
Der mit ein Harnisch war bedeckt.
Nun sicht mit mir der grimmig Todt/
Vnd bringet mich in grosse not.

Zur Edlen Frawen.

O Edle Frauw lassend ewr pflanzen/
Jezund müßend jr mit mir dānzen/
Euch nuget nicht ewr gelbes Haar/
Secht nit mehr in den Spiegel Klar.

Die Edle Fraw.

O angst vnd not wie ist mir gschehen/
Den Todt hab ich im Spiegel gsehen/
Mich hat erschreckt sein gewlich gstat/
Das mir das hertz im leib erkalt.

Zum

Zum Kauffman.

Herr Kauffman nun lassend ewer werben/
Die zeyt ist hie/ir müssend sterben/
Der Tode nimbt weder Gelt noch güte/
Nun danget her mit freyem müte.

Der Kauffman.

Allhie ward ich versehen wol/
Kisten vnd Kästen hett ich vol.
Der Tode der hat mein Haab veracht/
Vnd mich vmb leib vnd leben bracht.

Tode zur Ebtissin.

Gnädige Frau Ebtissin rein/
Wie habt jr so ein Büchlein klein/
Doch will ich euch das nit verweysen/
Jezunde müssend jr mit mir reysen.

Die Ebtissin.

Ich hab gelesen offte den Psalter/
In dem Chor vnden vor dem Altar/
Zu diser stunde hilfft mich kein betten/
Dan ich muß jezte dem tode nachretten.

Zum hincckenden Betler.

Hincck

Hinck du auch her mit deiner Krucken/
Der Todt will dich jezunde hinzucken/
Du bist doch der Welt gar vnnehr/
Drumb kum̄ an meinen Dantz hieher.

Der Betler.

Ich armer Krüppel/hie auff Erdt/
Ward ich veracht/bey nyemandt werdt/
Des gferdt jezunde der Todt will sein/
Vnd fürt mich mit dem Reichen hin.

Zum Einsydler.

Brüder kompst du auß deiner Claus/
Halt still das Licht lösch ich dir auß/
Drumb mach dich mit mir auff die fart/
In deinem grauen langen Bart.

Der Einsydler.

Ein Härin Kleyd hab ich getragen/
Ein lange zeyt in meinen tagen/
Bin doch nit sicher meiner Claus/
Die stunde ist hie das Bet ist auß.

Zum jungen Gesellen.

Jüngling wa wilt du hin spazieren/
Ein andern weg will ich dich füren/

Da

Da wirst du dein Bülschaffe nit finden/
Solchs thū ich dir jezundt verkünden.

Der Jüngling.

Mit demmen/ schlemmen vnd mit prassen/
Des nachts hofieren auff der gassen/
Darinn hett ich mein müt vnd frewdt/
Gedacht wenig an den abscheydt.

Zum Wücherer.

Sein Goldt vnd Gelt siß ich nit an/
Du Wücherer vnd Gottloser Mann/
Christus hat dich das nit gelert/
Ein schwarzer Todt ist jetzt dein gferdt.

Der Wücherer.

Ich frage nit vil nach Christi lehr/
Der nutz vnd wücher trüg mir mehr/
Jetzt bleybt der leyden all dahinden/ (den.
Was hilfft mein schaben vnd mein schin)

Zur Juncckfraw.

Ach Juncckfraw ewer rodter munde/
Wurde jezundt blaitch zu diser stunde/
Ir springt geren mit jungen Knaben/
Mit mir müßt jr ein vordantz haben.

Die

Die Juncckfraw.

O Tode wie hast du mich gefangen
Mir ist all müt vnd frewd vergangen/
Zu dangen lust mich nun nit mehe/
Ich fahr danon/allde/allde.

Zum Heroldt.

Herz Herold in ewr roden Kappen/
Ich muß euch ein mal auch erschnappen/
Sen Fürsten ward jr lieb vnd werdt/
Werfft ewrem stab nun auff die Erdt.

Der Herold.

Den Kaysern ward ich lieb vnd werdt/
Von in hett ich geschenck vnd Pferdt/
Wein raht hat manichen erschreckt/
Nun hat der Tode mein hertz ersteckt.

Zum Schultheiß.

Herz Schulteis auff/dann es ist zeyt/
Das die Seel mit dem leib jertz streyt/
Das thü ich auff der Leyren singen/
Dem Liedlein möcht jr nacher springen.

Der Schulteis.

Wein

Wein Ampt hab ich mit fleys versehen/
Hoff es sey nyemand vnrecht gschehen/
Am Gricht dem Reichen vnd dem Armen/
D Gott du wölft dich mein erbarmen.

Zum Blutvogt

Seyt jr der Herz Vogt in dem Blut/
Im rotten Rock/vnd dem Belghüt/
Ir secht saur / ich ker mich nit dran/
Wein vitheyl nyemande brechen kan.

Der Blutvogt.

In meinem hab ich nit braucht gwalt/
Was ich thet/was in Sieners gstalt/
Durch mich ist gschehen kein vngleichs/
Drum neñt man mich ein Vogt des Reichs.

Zum Narren.

Wolauff Heine du müst nun springen/
Steür dich nit auff/ vnd laß dir glingen/
Wagst wol den Kolben lassen bleyben/
Weindanz wirt dir de schwaif außtreibē.

Der Narr.

D weß ich wolt gern Holz aufftragen/
Vnd all tag viermal werden gschlagen/
B Vom

Vom Herren mein/vnd meinen Knechten/
So muß ich mit dem durldum fechten.

Zum Blindenmann.

Dein Wegführer schneid ich dir ab/
Tritt siclich/ du felst sonst ins Grab/
Du armer Blinder alter stock/
In deinem besten belgin Rock.

Der Blindt.

Ein Blinder Man ein armer Man/
Der sein Brot nimmer gewinnen kan/
Kundt nicht gehn on mein trewen hundt/
Gott sey globt das hie ist die stundt.

Zum Juden.

Huy vmb Jud mach dich auff die fart/
Auff den Messiam hast lang gwart/
Den Christum den jr habt ermort/
Der war der recht/nach Gottes wort.

Der Jud.

Ein Kabi was ich in der Schrifft/
Zog auß der Bibel nur das Giff/
Gar wenig nach Messias tracht/
Hett nur auff schatz vnd Wücher acht.

Zum

Zum Heyden.

Kom̄ falscher Heyd/du Gottloß Man/
Dein Abgott dir nit helffen kan/
Den Teüffel hast für Gott geehrt/
Der hat auch dein Gebet erhört.

Die Heyden.

Juno/Venus vnd auch Pallas/
Lasset euch jezundt erbarmen/das
Ich sterben müß/helfft mir auß not/
Kein segen/kunst/hilfft für den Tode.

Zum Koch.

Kom̄ her Hanns Koch/du müßt daruon/
Wie bist so feist/du kanst kaum gohn/
Hastu schon kocht vil speiß vnd schleck/
Wirt dir jetzt säwr du müßt hinwegk.

Der Koch.

Ich hab kocht Gäng/Hüner vnd Fisch/
Weim Herren vil mal über Tisch/
Wildpret/Pastetten/Marcipan/
O weh meins Bauchs/ich müß daruan.

Zum Bauren.

B ij

Dein

Dein tag hastu ghabt arbeyt vil/
Frü vnde spat/on maß vnd zil/
Sein bürd will ich nemen von dir/
Korb/Slegel/Degen gib du mir.

Der Baur.

O grimmer Tod gib mir mein Hüt/
Wein arbeyt mir gar nie weß thüt/
Die ich all mein tag hab gethan/
Was zeyhestu mich armen Man.

Zum Kindt.

Krench her Kindlin/müß dangen lehren/
Wein oder lach/Eanst dich nie wehren/
Hettst schon die Brüst in deinem mundt/
Hülff es doch nie/zü diser stundt.

Das Kindt.

O weß mein liebes Mütterlin/
Ein dürzer Mann zeücht mich dahin/
Müß dangen lernen/Ean nicht stohn/
Ach lehre mich vor jm Kärzlein gohn.

Zu des Walers Fraw.

Ach fraw laßt ewer Klagen sein/
Danzt mit mir vnd dem Kindelein/
Dann

Dann jr mögt mir hie nit entpflichen/
Den Gasthüt will ich euch abziehen.

Des Walers Fraw.

Ich hab mich alle zeyt ergeben/
In Tod/hoff aber ewigs leben.
Wiewol mich der Todt hart greiffte an/
Nimbt mich vnds kind/mit sampt dē man.

Zum Waler.

Hörsts Wahler laß diß alles stohn/
Wir wollen auch jezmalß daruon/
Sein kunst vnd arbeyt hilfft dich nie/
Du müßt auch an den rayen mit/
Hastu schon gewölich gmalß mein leib/
Wirst auch so gstat mit Kind vñ Weib/
Hab Gott vor Augen allezeyt/
Wirff Pensel hin sampt dem richtscheyt.

Der Waler.

O Herz mein Gott wölst mir beystohn/
Weyl ich jezundt auch müß dauon/
Mein Seel befilch ich in dein hend/
Wann die stunde kompt an meinem end/
Mein gedechtnuß doch gewißlich bleibt/
Ob schon der Tod mir d Seel austreibet/

B ij

So

So lang man diß werck haltet schon/
Behüt euch Gott ich müß darvon.

Zum Türcken.

Du falscher Türck du grosser Hundt/
Es ist auch jezundt hie dein stundt/
Sein Machomet/vnd auch dein schilt/
Dein bogen zü dem streyt nicht gilt/
Darzu dein Säbel vnd dein bundt/
Müß sterben wie ein andrer hundt.

Der Türck.

O Machomet ich ruff dich an/
Vnd dein Geschlecht O Solyman/
Die jr habt gwonnen so vil Landt/
Thüt mir jezunder ein beystandt/
In grosser forcht ich jezundt bin/
Fahr nun dauon/weiß nit wa hin.



Was

Was einem Menschē zubetrach-
ten sey/vnd er sich wider zugetrösten hab/
ob jm gleich der Todt beschwer-
lich ist.

Der Todt der helt gar fast sein recht/
Zuckt hin den König wie den Knecht/
Wir sein doch all in seine m gwalt/
Er nimbt zū gleich Junge vnd Alt/
Wie hoch der Mensch in ehren sey/
So ist er doch des Tods nit frey/
Betracht diß ein jeder im hertzen/
Laß ab von vppiglichem scherzen/
Der Todten geben oft anschaw/
Vnd sihe wer Mann sey oder Frauw/
Halt dich nit hoch/vnd schätz dich klein/
Sann wir sterben doch all mit ein/
Streb nach tugende vnd Gottes huld/
Bitt vmb verzeyhung deiner schuld/
Leiblich lust ist der Seelen giffte/
Schaw wañ der pfeil des Tods dich triffe/
Das dann dein zeyt sey wol verzehrt/
Sonst chüstu gar ein schwere fehr.
Wie der Schnee sein zergänglich wir/
Heut stirb ich/morgen ist's an dir/

B iij

D rumb

Drumb bedenck mit fleiß mein lieber Christ/
Wie vngwiß Menschlichs leben ist/
Vor zeytlichs Todes band vnd strick/
Wir sicher sein kein augenblick/
Vnd nahet sich allzeyt das End/
Darumb zu deinem Gott dich wend/
So deine Sünd herfür sich stellen/
Vnd Gottes gnad dir abstricken wollen/
So appellier an Jesum Christ/
Der deiner Sünd bezaler ist/
Vor Gottes strengen gerechtigkeit/
Für den Scül seine Barmherzigkeit.
So wirstu leben seliglich/
Vnd bey Gott wonen ewiglich/
Amen.



Wann

Wann ich wird glegt in staub der erd/
O Gott erweck mich mit der herd/
Die du stellest zur rechten hand/
Gibst in das ewig Vatterland.
Für Todes gwalt hilfft kein aufreden/
Durch in wir zletst erwürget werden/
Solches betracht O Menschen kind/
Sche ab bey zeyt von deiner Sünd/
Thü Büß mit ernst auß hertzen grund/
Also rüst dich zu diser stunde.

Ein jeder mensch ein mangel hat/
Wie dem er hie zeytlich vmb gahet/
Obs gleichwol nit ist offenbar/
Doch wirders bey im selber gwar/
Darumb richte niemandt lieber Christ/
Lüg vor was mangel an dir ist/
Vnd straff mich nit vmb eine Sünd/
Sie man mit hauffen an dir find.

O Mensch hab mitleyden mit mir/
Ob wider fühz auch erwan dir/
Angst/jammer/ellend vnd trübsal/
Das ich auch hülffin solchem fall/
Dir tragen deine Kümmeruß last/
Sieweyl du mir auch gholffen hast/
B v

Solches

Solches befilcht vns Gott der Herr /
Demselben sey lob/preiß vnd ehr.

Lieber mensch wanu du denckst an mich /
So wend dich vmb/besihe auch dich /
Sann wann du sichst dein mangel an /
Wirst auch mitleyden mit mir han /
Vnd die hilff so begerest dir /
Die laß auch widerfahren mir.

Wer steht der sehe sich eben für /
Das fallen naht jm vor der Thür /
Wann ers am wenigisten acht /
So ist der Teüffel da mit macht /
Vnd feyret nicht biß er macht irz /
Das gwissen vnd die Seel verfür /
Darvor helffe Gott mir vnd dir.

Das Göttlich recht gar wol ermiß /
In deinem vrtheil nicht vergiß /
Kein vor dem andern solt ansehen /
¶ Im jeden laß sein recht geschehen /
Ghe nicht auff der Fürsprecher wort /
¶ Erwig die sach auff alle ort /
Sprich recht Arm vnd Reichen zugleich /
So erlangstu das ewig Reich.

Wann

Wann wir hetten einen glauben/
Gott vnd den gemeinen nutz vor augen/
Ein Ellenmaß vnd gleich Gewicht/
Ein gleiche Münz/ vnd recht Gericht/
Gut Gerechtigkeit vnd das alt gelt/
Glaub nur/es stund baß in der Welt.

Vernichte nit mich vnd die meinen/
Beschaw zuuor dich vnd die deinen/
Siß dich zuuor an/darnach mich/
Thü ich vnrecht/so hüt du dich/
Verschmäch nit den der häßlich ist/
Ob du schon schön vnd wolgstalt bist/
Ritheyl nit mich/wie du mich sichst/
Wer weiß es ob du selbs from̄ bist.
Laß dein zungen dich nit betriegen/
Den nechsten fälschlich zuuerliegen/
Sonder zuuor/vnd auch in allen/
Laß dir Gott vnd den nechsten gfallen/
Laß im sein Ehr/thü dienst beweyßen/
So wirt man dich ein Christen preysen.
Wenig vnd war/
Kauff wenig/zal bar/
Still vnd verschwigen/
Das nit dein/laß ligen/
Dann trewe hand/
Geht durch all Land.


Ab


Ach Gott wie gern ich wissen wolt/
Wem ich auff Erd vertrauen solt/
Es ist jezunder worden new/
Nur gute wort vnd falsche trew/
Wann der munde spricht Gott grüsse dich/
So denckt das hertze hüt du dich/
Ich sihe mich vmb zü aller frist/
Noch weiß ich nit/wer mein freündt ist.
Es steht jetzt in der Welt also/
Sich niemand weißt zü hüten wo/
Wa ich maine das trewe sey/
Da ist die falschheit nahend bey.
Lache mich an/vnd gib mich hin/
Das ist jezundt der Welte sinn.
Wiltu aber das dir soll glingen/
So vertrau Gott in allen dingen.


Bewar dein Ehr/
Dir wirt nit mehr/
Vertrau/schau wem.
Lieb mich/als ich dich/nit mehr beger ich.

Die warheit ist gen Himmel gflogen/
Die Trew ist über Meer gezogen/
Gerechtigkeit die ist vertriben/
Die vntrew in der Welt ist bliben.

END







57241

(+ 220 2078)

561

Allen &
schen/
stand



Allen &

rs



pie

Inches 1 2 3 4 5 6 7 8 9 10 11 12 13 14 15 16 17 18 19 20

Centimetres 1 2 3 4 5 6 7 8 9 10 11 12 13 14 15 16 17 18 19 20

Farbkarte #13

B.I.G.

Blue

Cyan

Green

Yellow

Red

Magenta

White

3/Color

Black

